



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Art. I. S-S. Trinitatis Mysterium, quia altissimum requirit profundissimam
Humilitatem in Discente, Credente, Honorante.

[urn:nbn:de:hbz:466:1-46065](#)

tas, ut aliquis id, quod est Dei in seipso, subijciat ei, quod apparet esse Dei in proximo. Nam illi qui dona Dei participant, eognoscunt ea se habere, secundum illud 1. ad Corinth. 2. *Vt sciamus, à qua D^EO donata sunt nobis.* Adhæc, non postulat Humilitas ut quilibet, quod est suū in seipso, subijciat ei, quod est hominis in proximo. Alioqui teneretur quilibet reputare se magis peccatorem quilibet alio: cùm tamen Apostolus absque præjudicio humilitatis scripserit ad Galatas capite secundo: *Nos natura Iudæi, & non ex Gentibus peccatores.* Potest tamen aliquis reputare aliquid boni esse in proximo, quod ipse non habet: vel aliquid mali in se esse, quod in alio non est: ex quo se potest ei subiaceere, & minorem estimare per humilitatem.

S E R M O X.

PROPORTIO HVMILITATIS

Quà Fundamenti, cum altitudine Domus Sapientie.

ARTICULUS I.

S.S. TRINITATIS MYSTERIVM

Quia altissimum, requirit profundissimam Humilitatem in Discente, Credente, Honorante.



ODIERNA Dominica indigitatur Ecclesiasticā nomenclaturā, S.S^{mæ} TRINITATIS: & in eā officium matutinum, diurnum, vesper-

Y 3 tinum,

tinum, psalmi, ode, carmina, versiculi, antiphonæ, introitus, gradualia, offertoria, collectæ, Epistola, Evangelium, lectiones, homiliæ, orationes, meditationes, contemplationes, denique quicquid ad altare recitatatur à Sacerdotibus, quicquid in choro canitur à musicis, quicquid in odeo pronunciatur à Monachis & Monilibus est de S-Sma TRINITATE. Ubique frequentissimè repetitur: Benedicta sit Sancta & individua TRINITAS, nunc & semper, & per infinita secula seculorum. Amen. Ubique auditur: Gloria Tibi TRINITAS æqualis, una Deitas: & ante omnia secula, & nunc & in perpetuum. ubique personat: DEUM verum, unum in TRINITATE, & TRINITATEM in unitate. Venite adoremus. Quare nihil tempori convenientius, Evangelio accommodatus, officio Ecclesiastico congruentius, auditoribus utilius, & quod palmarium nunc est, S-Sma TRINITATI gratius ut opinari fas, nihil erit, quam si in Scholâ virtutis, qualis est hæc diebus dominicis tractetur à nobis de illa virtute, inculcetur animis audientium illius virtutis officium, incitentur ad amorem illius virtutis Academicí Christiani, quæ S-Sma TRINITATI est gratissima. Quæ-nam est illa? Humilitas. Quæ virtus Patri est acceptissima? Humilitas. quæ Filio jucundissima? Humilitas. quæ Spiritui Sancto probatissima? Humilitas. Studeamus igitur Humilitati si rem velimus facere gratissimam TRINITATI. Quæ virtutum honorat enixè Patrem? Humilitas. quæ celebrat præcipue Filium? Humilitas. quæ laudat præcipue Spiritum-Sanctum? Humilitas. Itaque honoremus Patrem, celebremus Filium, laudemus Spiritum-Sanctum. Humilitate. Quæ virtus benedicit Patri? Humilitas. quæ blanditur Filio? Humilitas. quæ placet Spiritui Sancto? Humilitas. Benedicamus ergo Patri, blandiamur Filio, placeamus Spiritui sancto Humilitate. Quæ virtus

virtus placat Patrem? Humilitas. quæ demeretur Filium? Humilitas. quæ attrahit Spiritum-Sanctum? Humilitas. Eia ergo placemus Patrem, demereamur Filium, attrahamus Spiritum-sanctum Humilitate. Quæ virtus glorificat Patrem? Humilitas. quæ magnificat Filium? Humilitas. quæ honorificat Spiritum-sanctum? Humilitas. Itaque glorificemus Patrem, magnificemus Filium, honorificemus Spiritum-sanctum Humilitate. Sit principium magnificandi SS. TRINITATEM Humilitas: sit medium Humilitas, sit finis Humilitas. Ordiamur TRINITATIS laudem Humilitate: prosequamur Humilitate: absolvamus Humilitate. Præcedat orationes omnes actionesque nostras, ut DEO gratæ sint, Humilitas: comitetur Humilitas; subsequatur Humilitas.

HIVS persuasionis, fuit Doctor Ecclesiæ, ut humilimus, ita S-Smæ TRINITATIS cultor maximus, Augustinus, qui ut Diocorum, ad quem scribit doceret, non posse TRINITATEM honorari, ut decet, sine fide, fidem autem altissimi mysterii non obtineri sine profundissima Humilitate, in hunc modum differit, epistola LVI.
 »DEO nos totâ pietate subdere debemus, nec aliam
 »nobis ad capessendam, & obtainendam veritatem (fidei, scientiae, sapientiae) & felicitatem, viam munire,
 »quam quæ munita ab illo est, qui gressuum nostrorum,
 »quippe Deus omniscius, videt infirmitatem. Ea est
 »autem prima Humilitas, secunda Humilitas, tertia
 »Humilitas. Et quoties interrogaret, hoc dicerem. Non
 »quod alia non sint præcepta quæ dicantur: sed nisi
 »Humilitas, omnia quæcumque bene facimus, & præcesseret, & comitetur, & consequuta fuerit: & præposita, quam intueamur, & apposita, cui adhæreamus, & imposta, qua reprimamus, jam nobis de aliquo bono
 »facto gaudentibus, totum extorquet de manibus su-

perbia. Vitia quippe cetera in peccatis, superbia vero etiam in recte factis timenda est, ne illa, quae laudabiliter facta sunt, ipsius laudis cupiditate amittantur. Itaque sicut Rhetor ille nobilissimus, cum interrogatus esset Quid ei primum videretur in eloquentiae praceptis observari oportere? Pronunciationem dicitur respondisse: cum quereretur, Quid secundum eandem Pronunciationem, Quid tertium? nihil aliud, quam Pronunciationem dixisse. Sic, si interrogares, & quoties interrogares, de praceptis Christianae Religionis, nihil me aliud responderem, nisi Humilitatem liberet:] Tam grata TRINITATI, tam utilis ad Trinitatis fidem aspirantibus, tam propria Trinitatis fidelibus est Humilitas.

At enim, Pater R^{de}, dicunt fortasse aliqui, hoc festo SS. TRINITATIS, si quid petere liceret humiliter, vellemus audire subtilia quaedam de hoc sublimi mysterio jucundum nobis esset, audire ex illa cathedra differentem, aut disputantem de Processionibus divinis, de Relationibus, de Actibus notionalibus, de Generatione Filii, de Spiratione tertiae personae: de Ordine prioris, & posterioris: de Circummissione, de Similitudine & qualitate inter Personas: de Missione Personarum, & ejus generis alia. Carissimi mei, nescitis quid petatis, Protestis ex memoriâ recitare quicquid habetur in Catechismo de S-Sma TRINITATE, & aliis Fidei Catholice mysteriis? Utinam audirem omnes dicere verè, possumus. Et sane, me juvat credere de vobis, optimis meis auditoribus, & diligentissimis discipulis, quod dicere sine falsitate queatis: possumus. Hoc, mihi credite, dilectissimi, sufficit vobis. Nihilominus venerande Pater, desiderarem usque aliquid altius. *Duc in altum*, dicebat Christus Petro, futuro Concionatori Evangelico. *Luc. v. 4*. Quod exponens S. Ambrosius, inquit: *duc in altum disputationis.*

tationis. Placet mihi desiderium illud sciendi divina, & ardor evolandi ad altissima : est enim gradus ad summa pervenjendi. Sed quo minus vobis obsequar, dicam candidè, quid me mōretur : & est idipsum quoddam meum secretum, quod spero, si non omnibus, saltem aliquibus fore usui. A primâ adolescentiâ meâ feci mihi familiarem quendam libellum, qui pollice non est crassior. Ille mihi fuit haec tenus *enchoridium, manuale, vade meum, dormi securè*, ut à multis istiusmodi libelli appellantur: illum à stimo magis, quam omnes Grammaticas, prosodias, rhetoricas, logicas, physicas, metaphysicas, mathematicas : magis quam Hippocratis & Galeni aphorismos: magis quam Iustiniani institutiones, Codicem, Pandectas: magis quam quorumcumque ingeniosorum commenta. Continet enim quicquid est scitu necessarium ad salutem, ad perfectionem, ad felicitatem, Inscrifit libellus, *De imitatione CHRISTI*. In eo frequentissimè legi quandam sententiolam, quæ quoties mihi fuit scribendum, disputandum, differendum, potissimum autem, quoties concionandum de S-S^{ma} TRINITATE obversata est animo. Est autem ista. legam ex libello. (a) *Quid prodest tibi alta de Trinitate disputare, si carna Humilitate, unde displices Trinitati? Retinete, ruminante, ponderate sententiolam istam, & nunquam à Concionatore altas de Trinitate disputationes postulabis, sed semper simplicibus de Humilitate sermonibus contenti eritis.* Maximè, si vobis persuadeatis, Fidem de Trinitate non posse in ullo oriri absque radice Humilitatis, nec consistere sine fundamento Humilitatis: quod quo fuerit profundius, eo erit inaedificatum illi Sapientiæ ædificium sublimius. Itaque, Auditores mihi cari, si desideratis in vobis ædificare Domum Sapientiæ, id est, fiducia Dei unius & Trini excellere, ac in omni

356 OPUSCULUM IV. SERMO X.

virtutum genere eminere , ponite fundamentum Humilitatis. Si vultis esse cari S-S^{ma} TRINITATI, humiliani sub potenti manu DEI. Si optatis censeri inter cultores Altissimi supremos, laudate Patrem Humilitate, celebrate Filium Humilitate , magnificate Spiritum sanctum Humilitate. Humilitate , humilitate , humilitate sit Gloria Patri , & Filio, & Spiritui-sancto.
AMEN.

ARTICULUS II.

S-S. EUCHARISTIAE FIDES

*Postulat solidam Humilitatem in Christiano acceptante,
conservante, demonstrante, urente.*

CONSPIRANT Catholici omnes in Ecclesiâ DEI, quanta possunt honoris significatione celebrent per hanc octavam Festum Corporis Christi. Huc conferunt omnem quem habent ornatum Ecclesiastici, omnem quam producere possunt pompam politici, omnem quem corradere queunt sumtum agrestes. Ipsi quoque milites in castris tormenta bellica ad sacrum illum usum convertunt. Hinc tubæ personant, pulsantur tympana, exploduntur magno fragore militares exercitū fistulæ. Traducta etiam ad Musarum castra aliqua celebratis hujus Eucharisticæ parte, convestiuntur parettes ingeniorum aulæis, quæ sunt epigrammata, emblemata, ænigmata, scriptoris manu bellè expressa, a penivallo artificiose tabulis papyraceis cōsignata. Ubique celebrantur processiones: ubique cantatur alicubi etiam saltatur, ubique auditur laus & jubilatio. Soli heretici domi se continent, velut in spelæis homines subfuge-